



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU BOSANSKOHERCEGOVAČKE PATRIOTSKE STRANKE-SEFER HALILOVIĆ

Broj: 03-07-6-301/23
Sarajevo, 06.03.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke patriotske stranke-Sefer Halilović za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Bosanskohercegovačka patriotska stranka-Sefer Halilović prekršila odredbe člana 4. stav (1) i člana 11. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosanskohercegovačke patriotske stranke-Sefer Halilović za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Bosanskohercegovačka patriotska stranka-Sefer Halilović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	560,00	2,44
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	22.346,22	97,56
8.	Prihodi od propagande (3-g)	0,00	0,00
I	Ukupni prihodi (1-8)	22.906,22	100,00
II	Ostali prihodi i drugo	0,00	0,00
	Izvori finansiranja (I+II)	22.906,22	100,00

U godišnjem finansijskom izvještaju stranka je iskazala rashode u ukupnom iznosu od 61.893,54 KM.

2. PREDSTAVLJANJE POLITIČKE STRANKE

Naziv političke stranke je Bosanskohercegovačka patriotska stranka-Sefer Halilović. Skraćeni naziv je BPS-Sefer Halilović.

Bosanskohercegovačka patriotska stranka-Sefer Halilović je registrovana kod Kantonalnog suda u Sarajevu, Rješenjem broj: 065-0-Reg-06-001437 od 28.06.2006. godine.

Sjedište političke stranke je u Sarajevu, ulica Čemaluša 6/II¹.

Lice ovlašteno za zastupanje stranke u 2022. godini je Sefer Halilović, predsjednik stranke.

Lice ovlašteno za podnošenje finansijskog izvještaja za 2022. godinu je Nalvedina Dedagić-Čengiđ.

Prema podacima iz godišnjeg finansijskog izvještaja za 2022. godinu, Bosanskohercegovačka patriotska stranka-Sefer Halilović ima sljedeću organizacionu strukturu:

- Centrala stranke,
- 6 regionalnih odbora,
- Gradski odbor Mostar i
- 63 općinskih/opštinskih odbora.

¹ Dana 30.09.2022. godine Bosanskohercegovačka patriotska stranka-Sefer Halilović je dostavila adresu za prijem pošte u vezi sa finansijskim poslovanjem političke stranke: Ramiza Salčina 89, Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke patriotske stranke-Sefer Halilović za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskih izvještaja Bosanskohercegovačke patriotske stranke-Sefer Halilović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Bosanskohercegovačke patriotske stranke-Sefer Halilović izvršeni su u periodu od 2006. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima i preporukama stranci da plan utroška sredstava za 2021. godinu sačinjava realno, te da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da prijavljuje sve priloge, da vodi potpune evidencije o svojim prihodima i rashodima, odnosno da vodi poslovne knjige u skladu sa računovodstvenim propisima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da je Bosanskohercegovačka patriotska stranka-Sefer Halilović djelimično ispoštovala date preporuke.

5. NALAZI I PREPORUKE

5.1 NALAZI

Bosanskohercegovačka patriotska stranka-Sefer Halilović nije postupila u skladu sa odredbama člana 4. stav (1) i člana 11. Zakona o finansiranju političkih stranaka.

(1) Planom utroška sredstava za 2022. godinu, Bosanskohercegovačka patriotska stranka-Sefer Halilović je planirala ukupne troškove u iznosu od 281.860,00 KM.

Politička stranka je u godišnjem finansijskom izvještaju iskazala ukupne troškove u iznosu od 61.893,54 KM, odnosno 21,96 % od ukupno planiranih rashoda, što ukazuje da je stranka nerealno sačinila Plan utroška sredstava.

Tako je stranka pojedine troškove planirala u znatno većem iznosu u odnosu na ostvarene: *troškovi zakupnine poslovnih prostora* planirani su u iznosu od 27.000,00 KM, a iskazani su u iznosu od 4.200,00 KM, *troškovi goriva i maziva* koji su planirani u iznosu od 15.000,00 KM, ostvareni su u iznosu od 2.745,48 KM, *troškovi naknada po ugovoru o djelu* koji su planirani u iznosu od 20.000,00 KM, ostvareni su u iznosu od 1.500,00 KM, dok su *troškovi reprezentacije* koje je stranka planirala u iznosu od 25.000,00 KM, ostvareni u iznosu od 2.388,88 KM.

Analizom Plana utroška sredstava za 2022. godinu, utvrđeno je da je stranka finansijska sredstva u iznosu od 18.477,54 KM utrošila mimo utvrđenog programa utroška sredstava na način da nije planirala troškove takse i novčanih kazni koje je ostvarila u iznosu od 14.062,97 KM, troškove advokatskih usluga i sudskih troškova u iznosu od 2.050,00 KM i troškove od rashodovanja osnovnih sredstava u iznosu od 2.364,57 KM.

Bosanskohercegovačka patriotska stranka-Sefer Halilović je Plan utroška sredstava za 2022. godinu sačinila nerealno, te je finansijska sredstva u iznosu od 18.477,54 KM utrošila mimo utvrđenog programa utroška, čime je prekršila odredbe člana 4. stav (1) Zakona o finansiranju političkih stranaka².

- (2) U obrascu 4.2 (*Troškovi propagande*) godišnjeg finansijskog izvještaja, politička stranka je iskazala troškove organizacije i održavanja predizbornih skupova u ukupnom iznosu 4.244,62 KM.

Na zahtjev Centralne izborne komisije Bosne i Hercegovine, politička stranka je dostavila kopije fiskalnih računa za gorivo na kojima nije navedeno ko je koristio gorivo. Stranka nije dostavila naloge za službena putovanja, u svom vlasništvu nema motorno vozilo, te nije moguće utvrditi korisnika, relaciju putovanja i pređenu kilometražu, odnosno svrhu putovanja.

Imajući u vidu sve navedeno, nije moguće utvrditi u koju svrhu je utrošeno gorivo, tj. u koju svrhu su utrošena finansijska sredstva stranke.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Bosanskohercegovačka patriotska stranka-Sefer Halilović je u svrhu izborne kampanje za Opće izbore 2022. godine mogla da potroši sredstva u iznosu od 1.011.996,48 KM.

Bosanskohercegovačka patriotska stranka-Sefer Halilović u godišnjem finansijskom izvještaju za 2022. godinu je iskazala troškove propagande u iznosu od 4.244,62 KM.

5.2 PREPORUKE

Preporučuje se Bosanskohercegovačkoj patriotskoj stranci-Sefer Halilović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da plan utroška sredstava sačinjava realno, te da finansijska sredstva obezbijedena za finansiranje stranke koristi u skladu sa utvrđenim programom utroška sredstava i***
- ***da poštuje računovodstvene propise, odnosno da uspostavi interne kontrole nad trošenjem finansijskih sredstava.***

KOMENTAR:

Bosanskohercegovačka patriotska stranka-Sefer Halilović je dostavila očitovanje na nalaze utvrđene u Preliminarnom izvještaju o pregledu godišnjeg finansijskog izvještaja za 2022. godinu. Uz očitovanje stranka je dostavila korigovane obrasce 4 godišnjeg finansijskog izvještaja za 2022. godinu. Služba za

² U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

³ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

reviziju je uzela u obzir korigovane obrasce koje je politička stranka dostavila i u skladu s time korigovala nalaze revizije iz preliminarog izvještaja.

Šef Odsjeka za revizijske poslove

Sanja Tošović

Šef Službe za reviziju

Mr.sc Hasida Gušić

Šef Odsjeka za predrevizijske i administrativne poslove

Rijad Selmanović